

„ՄՈՒՐՃԻ“ ՊԱՏԱՍԽԱՆՆԵՐԸ

Ընդհանուր շնորհակալութիւն ըտլոր անձներին, որոնք «Մուրճի» հրատարակութեան առիթով մեզ շնորհաւորեցին թէ հեռագրով և թէ նամակով: Մենք մեր կողմից ըտլոր մեր բաժանորդներին շնորհաւորում ենք Նոր-Տարին, Քրիստոսի Մեծնդը և Մկրտութիւնը:

ԹԵԼԱԻ. պ. Ն. Տէր-Յարութիւնեանցին: Ձեր ուղարկած «Աղբիւրի» բաժանորդագիրն և մարկաները հասցրինք ըստ պատկանելուն:

ԲԱԹՈՒՄ. պ. Խօջամիրեանցին: Ձեր ուղարկած 15 ռ. հասցրինք «Արձաղանքի» խմբագրութեան, բաժանորդների անունների հետ միասին:

ԲԱՔՈՒ. պ. Ա. Ղարաբէկեանցին: Երեք ռուբլին և մարկաները հասցրինք «Աղբիւրի» խմբագրութեան:

ԹԻՖԼԻՍ. * * Դուք, ի հարկէ, բաւարարուի՞ն կը թողնէք կրճատումներ անելու սովորութիւնը: Պատիւներ դնելով, Դուք անչափ դժուարացնում էք խմբագրութեան և գրաշարների գործը: Միւս անգամ աղպիսի ձեռագիր չի ընդունւիլ:

— Օրիորդ Միհրունուն: Ձեր ուղարկած վէպը անլարմար դտանք: Գուցէ առ ալժմ:

ՎԱՐՇԱԻԱ. պ. Լիսիցեանցին: Հանուշի դրքի մասին ուղարկեցէք. կարճ լինի:

ԺԸՆԵԻ. պ. Օհանեանցին: Եթէ կամենալու լինէք տարւալ բաժանորդ լինել, Դուք կ'ունենաք ուղարկելու միմիայն երկու ռուբլի մարտի 1-ին և ոչ չորս.— ուսանողական վճարը ութ ռուբլի է:

ՉԽԱՐ. պ. Մալխասին:— Ոչինչ չենք կարող ասել, մինչև կարդացած չենք լինիլ Ձեր գրածքը: Բայց եթէ նա 24 միծ թերթերից է բաղկացած, խնդրում ենք որ ինքներդ լաւ նայէք, նախ քան կ'ուղարկէք: Ինչ և իցէ, մի՛ շտապէք. տպագրելու վէպելով «Մուրճը» արդէն ալժմ չափազանց առատ է:

ԱՍՏՐԱԽԱՆ. պ. Վ. ին: Ձեր նախերգը անլարմար դտանք «Մուրճի» համար: ՄԻ ՄԵՆԱՍՏԱՆԻ Սուրբ-Հակոբին: Խմբագրութիւնը ցաւում է, որ

Ձեզ մօտ ընթերցանութեան սէրը չէ կապած տարեկան տասը բուբուլց գրկելու պատրաստականութեան հետ, որ նոյն է, թէ չորսից ամիս մէկը գրկէր տարեկան 2¹/₂ բուբուլց:

ԵՐԵՒԱՆ. Կ. Կ.-ին: Ինչո՞ւ էք դժար կարծում ընկերութեամբ «Մուրճ» ստանալը: Ահա Ձեզ մի խորհուրդ. թո՛ղ Ձեր չորսից մէկը իրաւունք ունենալ իւր անունով «Մուրճ» ստանալ և մօտը պահել 10 օր ու վերջը իւր սեպհականութիւն համարէ, վճարելով 5 բուբուլ 50 կոպ., երկրորդը իրաւունք ունենալ առաջինից ստանալ համարը 10 օրից վտուլ և մօտը պահել 7 օր, վճարելով 2 բուբուլ. երրորդը ստանալ երկրորդից և մօտը պահել 7 օր, վճարելով 1¹/₂ բ. տարեկ. չորրորդը ստանալ երրորդից և պահէ մօտը 5 օր, վճարելով տարեկան 1 բ. և վերադարձնելով գլխաւոր բաժանորդին: Եթէ 10 բուբուլի դրամագլխով ընկերութիւններ կազմել դժարանում էք, էլ ի՞նչ վստահութիւն ունենանք ձեզ վերաջ, երբ ձեզ հարկաւոր կը լինի մեծամեծ գործեր կատարելու համար ընկերութիւններ կազմել: Ներկայ դէպքում պահանջուած է մի փոքր կամք և մի քիչ էլ իրար հետ հաշտ մնալու ու պաշտան լարգելու չափ կրթութիւն: Այդպէս վարելու լինին ոչ-ունեողները — ախօր մենք միայն Ձեր քաղաքից կ'ունենալինք մի քանի հարիւր բաժանորդ և մեր գրական — բաժանորդական դարդն ու բալէն մի անգամից վերացած կը լինէր: Օրինակ առէք և հետևողներ շատ և շատ կ'ունենաք: Վիճելի դէպքերում, վիճակ գցեցէք, բաց երբէք բանը վիճարանութեան չը հասցնէք: Երբ դուք չէք հաշտուում, միմիայն դուք չէք վնասուում, վնասուում ենք և մենք՝ ո՛չ դուք էք բան ստանում, ոչ մենք:

ԷՋՄԻԱՅԻՆ. Եղիշէ վարդապետ Ամատունուն: Հասցրինք «Արձագանքի» խմբագրութեան նորան հասնելի 5 բուբուլին:

ՄՕՆՊԵԼԼԻԷ. Հպ ուսանողներին: Խոստանում ենք Ձեզ բաժանորդ համարել, կամ երբ մէկը Ձեր անունով նւէր կ'անէ, կամ երբ ինքներս 10 բուբուլ չափ աշխատանք կ'ունենանք:

ՍԱԼԵԱՆ. պ. Յովհ.-ին: Ձեզ նամակ կը գրենք:

ՕԴԵՍՍԱ. Հպ ուսանողներին Կապեր. Նովո-րուսեան համալսարանի: Ստացանք ուսանող պ. Վիրապեանից և հասցրինք «Արձագանք» շաբաթաթերթի պ. խմբագրին «Արձագանքի» բաժանորդագիրը հինգ բուբուլ:

ՊԵՏԵՐԲՈՒՐԳ. Գնդապետ պ. Իւդը.-ին: Շատ շնորհակալ ենք Ձեր կոմպլիմենտների համար: Ձեր տպերը և մեր ցանկութիւնները իրար հետ ըռնում են: Տակ Աստուած, որ ապագան իրագործի մեր տպերը

ՂԱԼԱՐ. պ. Մ. Մարտիրոսեանցին: Հարկաւոր եղածից մի լուբլի սուելի էք ուղարկել: Կարգադրեցէք:

ԲԱՔՈՒ. պ. պ. Միք. Մաղաթեանցին և Գր. Աւետեանցին: Ձեր անուններով պ. Յ. Բաբայեանցից մեզ ուղարկած երկու տասնեակ լուբլին չանձնեցինք «Մշակ» լրագրի խմբագրութեան:

— պ. Մ. Մաղաթեանցին: Ձեր ուղարկած հինգ լուբլին հասցրինք «Արձագանք» շաբաթաթերթին:

ՄՕՍԿԻԱ. պ. Լ. Մանուէրեանցին: «Ֆրուգից» Ձեր երկու հրաշալի թարգմանութիւնները առ ալժմ չեն տպագրուիլ:



Խմբագիր—Հրատարակիչ՝

ԱԻԵՏԻՔ ԱՐԱՍԻԱՆԵԱՆՑ